



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-264-4/23**
Datum: **06.07.2023. godine**

«Agencija za vodno područje rijeke Save» Sarajevo rješavajući po zahtjevu Grada Tuzla, za izdavanje vodne saglasnosti za čišćenje i uređenje korita rijeke Tinje na tri lokaliteta na području MZ Avdibašići, grad Tuzla, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj saglasnosti**

1. Podnosiocu zahtjeva, Gradu Tuzla, daje se vodna saglasnost za čišćenje korita i uređenje erodabilnih obala rijeke Tinje, na tri lokaliteta na području MZ Avdibašići, grad Tuzla, po projektnoj dokumentaciji pod nazivom:
Elaborat „Obezbjeđenje proticajnog profila u koritu rijeke Tinje na teritoriji grada Tuzla, MZ Avdibašići”, urađen od strane „TEAM HIDRO” d.o.o. Sarajevo, august 2022. godine.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Elaborat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-176-3/23 od 12.05.2023. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.5. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom čišćenja korita rijeke, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

4. Ukoliko se izvođenjem radova na uređenju korita rijeke Tinje na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju korita na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
8. Korisnik vodne saglasnosti je u suradnji sa nadležnim organom gradske Uprave dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
9. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosioc zahtjeva, Grad Tuzla se dana 26.06.2023. godine, aktom broj: 05-19-19-804/23 od 20.06.2023. godine, obratio ovoj Agenciji za izdavanje vodne saglasnosti na projektnu dokumentaciju Elaborat „Obezbjedenje proticajnog profila u koritu rijeke Tinje na teritoriji grada Tuzla, MZ Avdibašići“, urađen od strane „TEAM HIDRO“ d.o.o. Sarajevo, august 2022. godine.

Uz zahtjev za izdavanje vodne saglasnosti dostavljna je slijedeća dokumentacija:

- Statut Grada Tuzla, Službeni glasnik Grada Tuzla broj: 6/21, kopija,
- Ukaz o proglašenju Zakona o Gradu Tuzla, Službene novine Federacije BiH broj: 80/14, kopija,
- Kopija uvjerenja o poreznoj registraciji, Porezna uprava FBiH - Kantonalni porezni ured Tuzla, od 12.12.2014. godine,
- Dopis broj: 06/3-19-8602-2023 MS od 08.10.2020. godine, Službe za komunalne poslove, izgradnju i poslove mjesnih zajednica, Grad Tuzla u kojem je konstatovano da za predmetnu aktivnost nije propisano pribavljanje urbanističke saglasnosti i odobrenja za građenje, te ista nije pribavljena za potrebe planiranih radova;
- Dopis broj: 45/23 od 29.05.2023. godine, kojim MZ Obodnica Donja dostavlja saglasnost da su građani saglasni sa predmetnim aktivnostima;
- Dopis broj: 04/1-18-20-132128/23 od 02.06.2023. godine, Ministarstvo poljoprivrede, šumarstva i vodoprivrede Tuzlanskog kantona u kojem je konstatovano da predmetna lokacija nije obuhvaćena Pravilnikom o određivanju ribolovnih područja te nije bila predmet dodjele ribolovnog prava bilo kojem udruženju sportskih ribolovaca;
- Dokaz o uplati upravne takse u iznosu 70,00 KM (kopija uplatnice);
- Elaborat: „Obezbjedenje proticajnog profila u koritu rijeke Tinje na teritoriji grada Tuzla, MZ Avdibašići“, urađen od strane „TEAM HIDRO“ d.o.o. Sarajevo, august 2022. godine (ev.br. 2814/I-3).

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za čišćenje i uređenje korita rijeke Tinje angažirao projektnu kuću „TEAM HIDRO“ d.o.o. Sarajevo, koja je uradila „Elaborat obezbjeđenja proticajnog profila u koritu rijeke Tinje na teritoriji Grada Tuzla, MZ Avdibašići“, august 2022. godine. Projektna kuća „TEAM HIDRO“ d.o.o. Sarajevo posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane ove Agencije, rješenjem broj UP-1/21-1-40-176-3/23 od 12.05.2023. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - o Preglednu i detaljnu situaciju projektnog rješenja za planirane radova čišćenja i uređenja obale korita rijeke Tinje, razmjere 1:5000 i 1:1000, sa pozicijom planiranih radova na ukupno tri lokaliteta. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100;
 - o U sklopu Elaborata, obrađeno je rješenje čišćenja korita koje podrazumijeva sječu drveća i šiblja i formiranje proticajnog profila vodotoka koji se optimalno uklapa u prirodno stanje korita. Usvojena je trasa na način da je uklopljena u gabarite postojećeg korita uz minimalno narušavanje privatnih posjeda. Usvojen je tip normalnog profila za čišćenje korita rijeke Tinje, u cilju povećanja protočnog kapaciteta korita i stabilizacije oštećenih obala korita uslijed erodabilnih procesa i odnošenja materijala. Na predmetnim lokalitetima su identificirane kritične dionice gdje je potrebno korito pročititi i predvidjeti osiguranje obale (adekvatnom oblogom kosina na potrebnoj dužini), tj. istu stabilizirati i zaštititi od štetnog djelovanja voda. Rang zaštite od velikih voda nije definiran i cilj ovih zahvata je smanjenje opasnosti od poplava okolnog područja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na predmetnoj dionici, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog:

Elaborat: „Obezbjeđenje proticajnog profila u koritu rijeke Tinje na teritoriji grada Tuzla, MZ Avdibašići“, urađen od strane „TEAM HIDRO“ d.o.o. Sarajevo, august 2022. godine.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- GRAD TUZLA, ZAVBOBIH-a 11., 75000 Tuzla (Prilog 1)
- AVP Sava, ISV – Vodna knjiga
- Ⓒ Sektor 40, arhiva
- oglasna ploča AVP - Sava